



昌有手鈔本
誠齋話全行

困學齋
雜錄全

困學齋雜錄
舊抄本

困學齋雜錄



劉道原曰大江之南前代要服舜禹南巡崩不返葬禹非不尊

敬舜也啟非不孝於其父也時享在乎廟貌魂氣則無所不

之也秦漢而下崇在墓祭違經棄禮遠事尸柩難以語乎理

矣

李正方腹中有鱗甲諸葛亮謂腹中有鱗甲者但不犯耳

許楮長八尺餘大十圍馬超問太祖曰公有虎侯者安在軍中

以楮有力如虎而痴故號虎痴是以超問虎侯

任城翟慶之云在東平時南王子淵從容問楊叔能之詩於止

軒先生先生曰叔能蚤年詩名籍甚初入京時如空村謠甘

羅廟諸作楊趙諸公極口推許及自關中還所作澹不可讀
大凡作詩作文但撒手調脚便壞了

劉祭酒雲震以酒自晦常有東宮千秋節應教詩云一年一度
到青闈每到青闈盡醉歸絕勝杜陵驢背上朝回日、典春
衣又訪杜仲梁不遇云壯節文章今老成而今何況白頭生
牧之賦壘今勅敵甫也詩壇舊主盟舌在儘從陵谷變氣高
常屨海山平東湖花草西湖月不管文園舊長卿游子明尹
大興公為字掾索詩即席賦浣溪紗粉署含香舊有名庖刀
試手便崢嶸并州人物未飄零父老共傳新政好兒童都道
長官清十分和氣滿春城春寒云東風連日暗塵沙二月邊

城草未芽燕子不來庭院悄定啣春色入誰家公常游東平
嚴彥祖餞東湖亭者請賦長短句即席作太常引東湖亭下
簇金鞍四座浹清歡人物畫中看只在劉郎鬢斑花枝裊
娜酒杯瀲灩全不放春閒絲竹舊東山暢好个風流謝安都
城元夜念奴嬌景龍天氣正餘寒料峭簾幙萬斛金蓮光不
夜香滿雲間樓閣金鏡頻獻繡簾高揭應為黃昏約霜娥無
恙喚人依舊飄泊却恨烏兔無情把人青鬢白恁星、却千
古繁華行樂地誰咲誰歌酌誰北海樽壘東山絲竹夢裡揚州
鶴客寔無味故人誰念蕭索得薦不遇太常引耽、九虎隔
重關到天上却空還回首謝塵寰問今日誰人姓韓承田蔬

圃竹溪松徑何地不堪間且莫問長安比蜀道元來更難跋
甯戚扣角圖老眼絲絲睫戰塵十年無路覓通津一聲白石
功名下輸與齊東扣角人

前宋士人山行於絕壁人跡不到處見有題詩者云鳴梢疊葉
響颼枕底寒聲為客留野鶴不來山月墮獨眠滋味五更
秋少前遇髯人坐大石上意其為詩者欲前揖忽不見余謂
仙人亦有未能忘情者耶

陽羨驛舍壁上題漁家傲不知何人作日月無根天不老浮生
總被消磨了陌上紅塵常擾擾昏復曉一場大夢誰驚覺
輕諾似烈而寡信多易似能而無效進銳似精而去速訢者似

察而事煩訐者似惠而無成面從似忠而退違此似是而非
者也亦有似非而是者大權似姦而有功大智似愚而內明
博愛似虛而實厚正言似訐而情忠大察似明而非御
情之反有似理訟而實難別也非天下之至精其孰能得其
實故聽言信貌或失其真詭情御反或失其賢否之察實
在所依是故觀其所依而似類之質可知也

詩人撒舉字彥舉陝人性嗜酒工於詩客京師十餘年竟流落
而死有詩集行於世今得逸詩數篇信手錄之無題云誰家
金鴨暖梅魂綉戶春風半掩門桃李等閒留暮雨梨花寂寞
過黃昏盤盤鸞髻堆雲影澹蛾眉掃月痕常似謝家銀燭

底鳳凰釵影落瑤尊記夢云千里峭函楚客行關河西上鐵
牛城中湖亭下月初上召伯堂前草自生十里杏園紅雨暗
一條春水碧羅平覺來半壁寒燈底吹落風簷暮雪聲過沙
井云沙沉石馬廢城秋劔鉞寒生古戍樓平日只疑無蜀道
此行何處問荊州山連海塞從西斷水界龍荒盡北流一曲
商歌才夜半朔風吹雪滿牛頭遊香山云石棧天梯落日紅
誰開青壁削芙蓉捫參歷井來何暮佩玉鳴鑾更不逢僧去
古潭雲渡水鶴陰清露月平松世間骨相誰潘閣悞打金陵
夜半鐘送郭祐之云南口青山北口雲天涯何地又逢君陌
頭楊柳西行馬画角三聲不忍聞

中朝名士有以木菴陪針竇太師陪針王狀元陪口作三陪圖
徵詩當代名勝為一矧者鹿菴先生題云寺主善為無米粥
病人要喫沒錢針皇都詩老多才思收拾寒酸入笑林或云
始圖者太保公也

江漢先生趙復字仁復武昌之役始初渡江時寄皇甫庭云寄
語江南皇甫庭此行無慮隔平生眼前謬有千行淚水自東
流月自明又自遣詩云醉乘鸞馭到仙家彩筆雲箋賦落霞
老去空山秋寂寞自鋤明月種梅花人甚稱之

呂龍山與趙虎岩齊名平生多佳句夏日道中一絕句曲盡田
家夏日之趣棗花初落路塵香燕掠麻池乍頡頏一片雲陰

遮十頃賣瓜棚下午風涼

杭士王子慶收西域圖閩中令畫褚河南書丹青翰墨信為精
絕意當時所画甚多今止存四國前史皆逸而不書今錄於
此附國者蜀郡西北二千餘里即漢之西南夷也有嘉良夷
即其東部所居種姓自相率領土俗與附國同言語少殊不
相統一其人並無姓氏附國王子宜僧其國南北八百里東
西千五百里無城柵近川谷傍山險俗好復讐故壘石為巢
而居以避其患其巢高至十丈每級丈餘以木隔之基方三
四步巢上方二三步狀似浮屠於下級開小門從內上通夜
必閉闕以防盜賊國有二萬餘家號令自王出嘉良夷政令

繫之首帥重者死輕罰牛人皆輕捷便擊劔用矛漆皮為甲
弓長六尺以竹為弦妻其群母及嫂兄弟死父兄亦納其妻
好歌舞鼓簧吹長笛有死者無服制置屍高牀之上沐浴衣
服被以牟甲覆以獸皮子孫不哭帶甲舞劔而呼之我父為
鬼所取我欲報冤殺鬼其餘親戚哭三聲而止婦人哭必以
兩手掩面死家殺牛親屬以猪酒相遺共飲啖而瘞之死後
十年而大葬

鄭畋與盧攜爭高駢請公主下嫁南蠻事携怒拂衣去裾蟻於
硯因抵之帝以大臣爭口語無以視百官乃俱罷

兩浙都轉運使廉希貢中統初平章公之弟累官至正議大夫

余在運幕知公最詳公于聞人讀書略通大義尤喜讀易為人沉靜寡言樂善有守至元二十七年七月末旬下血適其兄叅政公以事來杭八月八日疾革沐浴易衣冠而逝家人舉哀久之忽搖手止哭者起坐謂其兄叅政公曰吾與兄生同胞相離十餘年今幸遇會于此謂必能承事顏色接杯酒之歡數月而別豈期一病至此今將永訣兄能無一杯相餞乎時久不飲酒叅政公手斟酪漿一杯飲之且謂曰吾父母去矣大兄去矣五弟六弟又去矣吾二人年各五十之上死不為天勿以妻子之故亂汝身後汝之妻子吾竭力以恤之汝去之後吾繼汝去矣公首肯又囑其弟端夫理問及其子可忠等勅以忠孝促令韃馬既告辭復卧而逝身後家無一錢行臺賻楮幣五十足乃得歸中山

福州之俗冬至設醮以為引新死者見共袒如古禮祔廟許公度說中統間左相安童嘗問魯齋釋老之說先生曰某未嘗讀其書不知其說又問張耀卿魯齋教人讀小學其說如何耀卿云某自幼時知童蒙如入學便讀孝經此時小學未行于世小學乃是禮經摘出非全經不足學左丞張仲謙從旁對曰小學之書專載童子當為之事若孝經曾子尚云參不敏何足以知之况童子乎又云魯齋欲興國學教國朝曾子可謂知本

閑、宿三草寺詩云何年覲佛月天子各以寶華樓閣居為問
上方銀世界不知有此夜寒無

馬德昌收米元章書及自寫真并贊云四明從事晉陵錢君世
系字延叟過襄陽米芾曰昨送季濟明渡江與江行之復會
蕭間堂已撤幕壁間有君像而題曰權杭州觀察推官米元
章像楊之儀筆楊之傑贊曰君子之友小人之讐以人方人
叔度宜儔余以袖掩字而問行之曰誰歟行之曰君也僕為
檢同氣德友識面三編無二君名姓嗚呼古人論世取友况
同世哉世復有三君子者觀文殿學士王公韶字子純樞密
直學士劉公庠字希道則僕竟不識其面選人蔡君肇字天

啓於相知間語僕若素心腹者云得僕於王荆公蓋僕於元
豐六年希道金陵從事之辟會公謫居始識荆公於鍾山間
公門有數後進喜爭名而相非又記以長者之言也如天啓
樂道人善者一人而已僕老矣不知一蔡二楊行能識面乎
因延叟之語發嘆并記其事於家集中以貽子孫嗚呼仕關
求進之路則世人之邪說大行絲、不求已而非人豈其本
心實利之誘然今樂善君子一何多耶彼口不道忠信捷、
而惡之人翻、而自喜黜、懷奸藏慝竊、掩人之善咕、
自標置者得不少悛乎既序其事因系以詩誰起蕭間堂圖
贊凡醜質昧、豈我思有懷斯士吉吾生終不遇二陵已相

失苟養走四方公卿更絕跡向我交漸稀背憎十六七豐吾
九畹蘭任汝滿地棘我豈蕭間人偶然得空壁美哉何方彦
精絕入妙筆君不愧顧長康取媚桓溫圖九錫我不愧孟浩
然緩榮京山過摩詰前此交道又不康紛々白頭多不卒嗚
呼紛々白頭多不卒回首此君應辟易

山谷與秦少章書云此在告熟讀所惠詩卷如公闢祭文語氣
詩句極有風裁可喜合處便似吾少游語然恨在遣詞病在
骨氣耳古之聞道者請問治天下則對曰去汝鄙人也何問
之不豫也文章雖未學要須茂其根本深其淵源以身為度
以聲為律不加開鑿之功而自寵深矣公誠以此言為可猶

有一物為公道之二十年來學士大夫有功於翰墨者為不
少求其卓爾名家者則未多蓋嘗深求其故病在欲速成爾
夫四時之運天德也不能即春而為冬斷可識矣承自屈訪
速故及此更占之大方之家有所聞見幸見教此帖語在刀筆

蘓滄浪帖云草書把筆離紙三寸取其指寬掌平虛腕法圓轉
則飄縱之體自絕出耳

米帖朱雀橋南萬井烟輪蹄不放草芊々天街惟有新楊柳雨
色春容占一年唐中書舍人杜牧之能作此語宋中書舍人
薛道祖能作此語清連老令不勝降嘆通中得書筆當付便
分非遜可附九月與鰲同到耳

七里村一麥四穗兩歧不可勝數豐年上瑞自人和上澤汪渾
似海波海角嘉年猶四穗四方和氣不勝多即事人和訟簡
契踈懷疆理文漪世少偕龍吼惠風傳玉壘露瀼寶月乞銀
淮婁公勝相崇三果袁守靈丹健百骸夏木陰森三十畝夢
回午蔭罩山齋

秘書郎喬仲山云至元十年自以東曹掾出使延安道出鄜州
土人傳有杜少陵骨在中者因往觀之石出州市色青質堅
樹於道傍中有人骨一具跌坐若生而成者與石俱化以佩
刀削之真人骨也

士大夫家收得呂中穆公頤浩訓姪帖云予自寒苦起家平生

仕宦赴公盡瘁不敢辭難致仕將相姪擢因祖先積慶得此
一命洎為門戶為孀母二幼自意守官如後

一勤廉為仕宦勤則上位必見喜廉則吏人自是差服

一事監司知通極恭與同官極和

一慎言語不可輕發一談

一寡戲笑不可容易玩狎

一勿飲酒

一不可令市買在務未經稅之物

一其他一一畏慎

紹興三年正月初五日上押付擢

子貢好廢舉與時轉貨劉氏注云廢謂物貴而賣之舉謂物賤而買之與時謂逐時轉貨謂轉貴收賤也

越人王脩竹所藏雪竇禪師真跡詩云有無盡是兩頭語諸祖因茲不立言末代兒孫列戶牖一花五葉失其傳永嘉雖問曹溪路畢竟惟明自己禪根器警敏誠難遇鑿透高原始及泉未用封字印是曾入賈秋壑家有韓宗古敏甫時邦美朱伯原吳邦獻王元直周仁熟鄧子常白蒙亨章致平王子助霍靜之紹聖四年跋張浮休偈云雪竇傍邊又生一乳北却山下千塚萬塚兔角龜毛竟將何用子細尋思不如珍重米元章云幅昏之半已空何人重出自為工從茲萬偈并千頌

擾亂春風卒未窮

江浙行省掾高仲器收白芍藥一軸景祐元年十月七日高平范仲淹題詩其上云桐廬方正父家藏唐翰林画白芍藥子來領郡事因獲一見感嘆久之而題二十八字治亂興衰甚可嗟徒憐水調素榮華開元盛事今何在尚有霓裳寄此花揚叔能事言補詞氣不甚平和爭辯譏罵居多今錄數事於此人不讀儒書以變化之無良師友以教益輔成之雖年至七十亦無異於十五六之時也但髮白面皺耳

密州趙德正云泰山如坐嵩山如卧華山如立

火葬天下之至慘也人子不學違聖人之訓為時世所移懵然

為之父母何罪歿而遭大戮嗚呼冤哉嗚呼痛哉老氏釋氏
吾有取乎曰有老氏吾取其佳兵不祥釋氏吾取其戒殺

京兆分司劉御史請予作竇壁詩云誰言河水濁嗚鑄約秦境
官軍開如蟻城守申嚴警竇壁一匹夫欲汲困短綆慷慨願
自效行臺可其請從徒二十八設伏獨園靜邏騎百蹄翻倏
來落電影勇士貴一決猶豫失馬猛賞功不踰日簫鼓喧市
井英風衰^振輒潮以倍淒冷

平生交遊贈余詩者多矣惟留京叔二篇嘗吟咏之憶昔逢君
北渚秋藕花香裡醉輕舟三年一別空回首千里相思更倚
樓明月不隨春物老碧山長帶暮雲愁天平松竹黃華水早

晚柴車得共遊思君一日如三載兩寄詩來慰我心塵土愈
知人世隱風烟遙見海門深貧來笑我常迂坐亂後憐君更
苦吟歷下亭前春水濶扁舟何日重相尋

素庵以六忍寧心澄慮消禍致福一曰忍觸二曰忍辱三曰忍
惡四曰忍怒五曰忍忽六曰忍言

飲食以三十口為平過則為多不及為將病

此不知出處當考

古甲子

十干

闕逢^甲

旃蒙^乙

柔兆^丙

疆圉^丁

著雍^戊

屠維^己

上章^庚

重光^辛

玄裁^壬

昭陽^癸

十二支

困 敦子

赤奮若丑

攝提格寅

單 闕卯

執 徐辰

大荒落巳

敦 雉午

協 洽未

涸 灘申

作 噩酉

闍 茂戌

大淵獻亥

廉端父理問漢鏡銘云田民作鏡世未有位三公子

潘轉菴題釣臺詩云蟬冠未必似羊裘出處當時已熟籌但得

諸公依日月不妨老子卧林丘英雄陳迹千年在香火空山

萬木秋絕咲黃塵吹髻客愛來祠下繫扁舟

日休八識

眼耳鼻舌身意未那識第八識

詩云兄弟八個一個痴其中一個最

踉蹌五個向外能經紀正留一個看家計第八識云浩々三歲不

可窮淵深七浪景為風愛

特種根身立去後先來作主翁

不動地邊才捨藏金剛道後畢然空大圓鏡智成無漏普照

十方塵刹中

地水火風聚一區之假合生住異滅成四像之遷移三緣和合

而緣生為身為體五蘊滅謝而入死惟識惟神

五不男天捷如變半

五不女螺紋鼓角線

前淮浙發運司主管文字趙汝諫送姪壻張師道赴召詩五絕

句中云翔鸞威鳳兩同飛此日閩山是獨歸聞說京塵迷望

眼後來誰為洗征衣有一士慕佳人亦有詩云君王自愛相

如賦左右安知即墨賢此語太逼人劉雲震祭酒題明皇擊
梧圖云宮殿蕭森蔭碧梧杖頭白雨趁花奴還留飛下漁陽
鼓一曲霓裳救得無

中原士夫出處

定齋先生李獻卿字欽正河東人

陳司業諫規字正叔稷山人明昌五年進士博學能文詩亦有
律度為人敦厚動有禮節南渡以後諫官稱許古陳規而正
叔不以許直自名之仕至右司諫卒官子良臣今在燕中

吏部高先生鳴字雄飛岢嵐人歷彰德路總管召為翰林學士
至元五年至御史遷吏部尚書終于官

淄川先生楊弘道字叔能自號素庵默翁博學無所不知而不
為科舉計嘗以蔭仕于金遭亂南歸為唐州司戶北還終于
鄉里有小亨集十卷事言補一卷行于世



叅政楊公諱果字正卿號西菴中山人金末王鶚榜登科歷偃
師蒲城縣辟陝西行臺郎中北渡後復居洛陽紫陽為課稅
所官辟經歷官叅河南經略司事中統改元召為叅知政事
告老除懷孟路總管以榮其歸致仕後葬于鄉里

轉運田時秀字彥實易縣人大定十九年進士仕至太原轉運
使喜作詩為周德卿李之純賞識感興云散木不材寧適用
虛州無意任乘流百年身世槐安國千古人情羨頡侯賦古
塔云締構百年人換世消沉千古鳥盤空他類此彥實所居
里名半十行第五以五月五日生小字五兒二十五歲鄉府
省御四試皆中第五年五十五八月十五日卒造物之戲人

如此

如五月五日生者見共賦集考

太常卿石抹世勛字晉卿承安中進士終于禮部尚書子嵩字
企隆應奉翰林文字皆死蔡州之難

張戶部德直字伯直平陽人叔祖邦彥字彥才張榜登科以當
川令致仕有松堂集父迪祿字仲英明昌初進士歷岐山上
黨二縣令卒於省掾伯直貞祐三年進士釋褐新平簿辟藍
田令秩滿父老詣行臺留再任去之日為立生祠移沔池通
許召補省掾選授警巡院使終于同知武勝軍節度使事子
城今居永寧

介字介夫彭城人正大元年經義第一人歷鞏穀熟二縣令幼

有賦聲為人有蘊藉嘗贈詩人楊叔能末章云我貧自救如
沃焦君來過我亦何聊為君欲寫貧士嘆才思殊減荒村謠
楊初以荒村謠得名故云

撒舉字彥舉陝人性嗜酒工于詩客京師十餘年竟流落以死
同時有鄭雲表者慕彥舉之為人作詩挽之云形如槁木因
詩苦眉鎖蒼山得酒開人以為寫真云

道士申志貞字正之太原人嘗為道教提點住京師長春宮時
道士舊傳十七人坐與釋教持論不勝落髮為僧者志貞其
一也後終于鄉里

寂通老人陳時可字秀玉燕人金翰林學士仕國朝為燕京路

課稅所官

紫邏几道人楊鴻字飛卿一名雲鵬少梁人北渡終于東平
有洞然集行于世

虎岩先生趙著燕人終于編脩官

南湖散人曹居一字通甫又號聽翁太原人金末登進士第仕

國朝為行臺員外郎

新軒先生張伯道字聖俞

紫陽先生楊真字煥卿又名知章奉天人以明經後進稱為關

西先生少年時自悟以前身為紫陽宮道士因自號國朝為

河南府課稅所官有還山集行于世

廉菴題趙輔之樊川圖云一賦阿房萬古傳豈知今有趙樊川
謝公墩上王公住異代風流各自賢

高雄飛獨石詩云一塊蒼頑石顏然半水濱可憐閭立本徒寫
五湖真題杜莘老華山圖上方可望不可到今日興來時卧
遊須信丹青有神化世間隨處是同州

內朝鹿菴先生王盤字文炳初名采齡字蕭客永年人舉于徵
君麻九疇金末以易經登科北渡後為東平學官一時名士
皆出其門中統初召為真定宣撫使入拜翰林學士承旨年
八十餘致仕歸東平東宮命朝士祖餞仍給半俸時人榮之
今近九十尚無恙

仁甫趙先生復初被虜時有寄黃甫庭詩寄語江南黃甫庭此
行無慮隔平生眼前湯有千行淚水自東流月自明又詩乘
雲曾到玉皇家彩筆雲箋賦落霞老去空山春寂寞自鋤明
月種梅花

庸齋先生薛玄字微之華陰人仕至河南府提學有易解行于
世

右中州名公翰墨至元乙酉得於京師庚寅裝于錢塘直
以所得日月先後次序之不敢妄有品第

京師名琴

耶律丞相春雷 金內府物名曰 玉振 雷珉 不出戶

石上流泉 寒玉

宋少監毅夫寒玉 吳興沈獠斷張鉞重脩

焦仲良秋嘯 雷氏今歸天上

李子亨冠古韻磬 李陽水篆 雲和 李勣斷今歸天上

薛道錄金磬 張鉞

鄭太鑿 雷霄斷今在行臺太丞家

高彥敬金儒鳴玉

王安仁實腹琴

商左山寒字號 趙耶利斷

喬仲山家水清 開成元年西蜀郭諒崇寧四年馬希先奉聖旨重脩人之情

陳也里叅政黃龍至寶 百衲 吳越國王官百衲雷成斷朱漆

張詹事子友家 張越琴

李士彥三足琴

濟南姜伯惠甫家列子琴 雷氏斷

南京劉介甫家三峡流泉 唐天寶年雷威斷外刻流泉內書三峽流泉疑皆隸書

廉廷臣玉澗鳴泉 唐雷氏貞

廉端父瓊響 慶曆年道士衛中正斷 崇寧年馬希先重修 前宋僧斷 秋籟 全上

郭佑之御史霜鐘 前宋僧斷

游平章子明家張鉞孫枝

王郎中聲滿天地 南方物

李德新天寶雷會

郭北山新製萬壺松

無款或來自中原製度在雷 五代間錢

復信之雷威琴

唐懿宗疇斷款云咸通四年秋八月處士雷威

馬德昌洞泉

雷氏嵩陽野叟修磬編

張可與號鐘

南方物臣馬希先奉聖旨重修

古器

行臺右丞李公家

世母辛卣

山敦

牛敦

周盤夔卣

秘書郎喬仲山家

文王鼎

正考父作文王

周鳳盃

周粟紋壺

王子慶家

商鼎

漢方壺

漢山龍壺

樊家

商父乙鼎銘曰子

父已

商州師卣銘曰州師錫朋具用作父丁尊舉冊

商父辛彝銘

父辛

周伯吉父槃銘一百三十字

行臺李順甫鬻于市家人折其足用為餅爐余見之乃以歸余

周鄧○鼎蓋銘十八字

漢鏡二

一尚方一八花透光

董頑石家

商百乳彝

商山尊銘

商舉鼎銘曰夙

商鼎銘杯

商觚

周壘

吳和之家

商右伯盃

商饗饗鼎銘象形一字

周草窻家

商鳧尊

銅馬

羅和齋

周鳳尊銘一字

周百乳彝

商貫耳壺銘字作鳥形首有冠

楊中齋駙馬

周方鼎

周細文大羊鼎

周觥稜壺

舊藏余家

商小鼎一

劉耀瑯

商斝

商子孫盃

商蛟篆壺銘一字

商敦

周司空甌

漢方壺 周大盃

閑邪先生

郭二

方圓二器未見

李又有李陽冰移三墳記字三寸許大字三百有畸宣和題籤

復有墨本亦徽宗題冊子又有李成樊川捕魚圖長三丈徽

宗御題

書畫見聞

東坡云永禪師欲存王氏典型以為百家書祖故舉用舊法非不能出新意求變態也然其意已逸於繩墨之外矣 下歐虞恐非至論若復疑其臨訪又下此論下矣

濟南楊浞周家藏閔中令画鎖竇建德圖褚河南書傳

張仲悅家藏謝尚餘寒帖 古完本痊鶴銘

冀州趙弘道家藏御題淳化刻

濟南張可與家

顏魯公頓首夫人帖 唐撫右軍大周煥等帖 許渾烏絲闌

今體詩 五帖

懷素猛吟 余家物

僧弘元春集右軍書越

州寺碑

歐陽詢卜商等帖

韓文公書名告 魯公書名

告

元微之和樂天雪韵

韓渥尺牘一卷山谷跋 唐撫

羲之罔極三帖 吳生妙勝如來 惠崇巨軸 小景 巨然

山水 李伯時陽關圖 元真自寫真 皇象急就章甚佳

當是第一本切記

霍治書清臣家

李北海縉雲帖 柳書李氏墓記 唐文皇手詔好謙帖 蕭

子良變體詩 唐人臨

魯公鹿脯帖 孫過庭千文 唐人

撫蘭亭 內府善本

伯時孝經 着色郭熙二小幅 巨然

山水橫披 伯時拂林天馬 唐人仙山故實 周昉臨六

朝人天官 韓幹圍人調馬圖 邊鸞木瓜花

喬仲山家

顏太師馬病帖 智永千文 宣和內府 高閑千文 余家物趙明誠家物

張旭承告帖 宣和 僧夢閑白蓮詩 宣和 張長史帖章草

王粲詩評 宣和南唐 智永筆力帖懷素臨 東坡書太白

詩 東坡小楷金剛經 全用鍾法 巨然秋江晚渡 明昌

李思訓江山漁樂 南唐明昌 陸瑾溪山風雨 明昌 郭忠

恕飛仙故實 宣和樗軒題按樗軒舍人此云宣和不知何故

董元寒林 明昌內合同 貫休大阿羅漢 明昌 伯時女孝

經 明昌 衛賢高士圖 宣和 郭熙松石二大幅 李成重

巒秋晚 吳佺蕭翼賺蘭亭圖 宣和 張符牧牛圖 明昌宣和 睿思東閣

張萱鼓琴仕女圖 明昌宣和 尉遲乙僧有餘菩薩 南麓跋

巨然歲寒圖 崔白讀碑 董元烟嵐重溪 王齊翰行佛

圖 王先寶繪太 原珍玩玉押 王齊翰觀音像 上同 王維維摩示疾圖

宣和明昌 睿思東閣 韓滉乳牛 睿思東閣 黃華雪山寫照 胡瓌

番部卓歇 大觀宣和睿思明昌

喬仲山云在都下時償賣人處有右軍書東方画讀爛處歐陽

政宣收附豈元章書史中所載者耶又鄭廣文溪橋峻嶺圖

唐張藻松石微流圖 高宗題簽 李伯時陶弘景像 高宗題

李唐晉文公復國圖筆意奇古雖近代人實有古人之風行

書亦佳 傅古戲水龍 高宗 留窠戲藻魚 高宗 唐朱繇

文殊像奇古 唐人大悲像 元彥禮 大羊墨雁 范寬雪

峰蕭寺 宋迪遠浦歸帆 王維秋山蕭寺

司德用

邊鸞孔雀 易元吉獐 崔白荷花鴨子 董元雪景二幅

董元廬山圖 閔令職貢獅子圖 胡瓌啖鷹圖 喬仲山云 處筆也

王詵長江遠岫 韋偃松張希顏四時寫生 盧稜伽羅漢

李成松石平遠 關仝大幅山水 韓滉歸牧圖 韓滉醉

道士圖 郭熙山水二幅 湯子昇鑄鏡圖 吳道玄火德

真君 徐熙紅躑躅 郭處暉林雀 世宗群鹿 世宗馬

黃荃竹鷓圖 王端人物

郭北山御史

唐摹右軍重告等六帖 右軍快雪時晴圖 右軍承告帖

唐撫王弘帖 王氏寶章 集中物 唐撫蘭亭詩序 徐會

稽寶林 楊景度永興帖詩 歐易率更道夫帖 右軍七

月五日青絹帖 胡季良臨右軍郝家信帖 右軍送梨帖

陶弘景屈畫帖 陳闔寫御廐馬 宣政收附 孫過庭千文

定武五字不損本蘭亭叙 楊景度十九郎帖 稽叔夜聽

雨帖 魯公江外帖 陸東之蘭亭詩 唐人節史 歐陽

詢稽古稟 高閑九原帖 白居易行元微之告 陶貞白

書丹經 李邕口味帖 康告 東坡致語稿 山谷老将

行 山谷褌襪帖 唐撫右軍瞻近帖 晉王珣伯遠帖

呂洞賓自寫真 李成二大幅 烈女箴 吳生坐神文

竹 未見 米元暉楚山清曉 韓滉克民擊壤

續見

東坡黃素上清儲祥宮碑 右軍此事帖白麻紙上行草後一

行然欲不可長非筆非臨前人直以為真跡殆非過許上古

印甚多莫可辯一四寸許大印剪去八分略見御字尸如此

宣和明昌兩朝上望及用群玉中印秘秋壘閨生及封字印徽

宗筆、明金書簽奇物

王子慶

右軍裹鮓帖 畢城手狀 柳經 西域圖 伯時五馬圖

關仝早行圖 李成看碑圖 顧愷之初平起石為羊

吳門季宗元

魯公馬病帖 未見 謝安八月五日帖 楊景度珊瑚帖 吳

通微告 唐人文殊像 又七居眠佛 唐大悲像

此書於弘治十五年龍集壬戌五月望日在竹莊陸宗美

先生第會飲約齋俞寬甫帶於彼假歸錄得之但不曉因

學齋何人也當伺識者再行請問而知今略識得之、歲

月焉是日錄完故識

東陽無垢道人純謹識

嘉靖戊申五月既望汝南袁表命工徐堂錄於陶齋



元鮮于樞字伯樞號困學民漁陽人官至太常
寺典簿面帶河朔偉氣每酒酣輒放吟詩作字
奇態橫生善行草趙文敏公極推重之其所居
名困學齋又有印文見文氏信玄館米南宮出
帖後印以收藏印識也



右鮮于伯樞困學齋稞錄余從知不足齋主人借鈔卷首曹潔躬先
生和印重疊蓋倦圃珍藏本也陶氏說郭摘刊是書教則已
標伯樞所著特誤困學作相學耳無垢道人原跋乃不
知為誰何弗考之甚乾隆丙午春盡日松陵楊復吉識



